



Naalackersuinikkut arlaannaannulluunniit attuumassuteqanngitsunik siunnersuisoqatigiinnik pilersitsisinnaaneq pillugu UKA2014-imut nassuiaasioqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Siunnersuisoqatigiit aatsitassarsiornermi aningaasaliisartut sanngisuussusiat aningaasaliisussarsiornermullu pilersaarutaat pillugit inassuteqaasiortassapput, pilersaarutit aalajangersimasut sanngisuussusiat pillugu paasissutissiisas-sallutik kiisalu aatsitassarsiornermi pilersaarutit ataasiakkaat siunissaq ungasinnerusooq eqqarsaatigalugu piujuartitsineq tunngavigalugu inuiaqatigiinni ineriartortitsinermik nassataqarnissaat siuarsaaqataaffigissallugu. Tamanna pillugu siunnersuisoqatigiit Naalackersuisunut innuttaasunullu inassuteqaasiortassapput. Siunnersuisoqatigiit katitigaanerat, akissarsiaat pisinnaatitaanerilu pillugit ilutsit periarfissaasinnaasut nassuiaammi ilanngullugit nalilersorneqassapput.

(Inatsisartunut ilaasortaq Naaja H. Nathanielsen aamma Sara Olsvig, Inuit Ataqatigiit)
(Siullermeerneqarnera)

Nalunaarusiami "Kalaallit Nunaat iluaquserlugu" ersarissumik takuneqarsinnaavoq, inuiaqatigiittut eqqarsaatigisariaqaripput siunnersuisoqatigiinnik pilersitsisoqarnissaa aatsitassarsiornerup sinniisuiniik peqataasoqartillugu, soqutigisaqatigiit NGO-t aammalu ilisimatusarnermik suliffeqarfiit ilanngullugit. Siunnersuisoqatigiinnik pilersitsinermi siunertarisaq tassaavoq Naalackersuisut aatsitassarsiornerissamut tunngasutigut naliginnaasumik siunnersussallugit, aalajangersakkat naleqqutinngitsut aammalu allaffissornermi ileqqutigut navianartoqariataarnissaa pinaveersaarniarlugu.

Isuma taanna ataatsimoorussamik tusagassiuutinut nalunaarummi 28. januar 2014 sakkortujaartumik tapersorsorneqarpoq WWF Verdensnaturfonden, Transparency International Greenland, Avataq, ICC Greenland aamma Nuup Kangerluata Ikinngutai-niik. Tusagassiuutiniq nalunaarutip qulequtaraa: "soqutigisaqatigiit NGO-t Kalaallit Nunaanni aatsitassarsiornerissamik siunnersuisoqatigiinnik pilersitsisoqarnissaa isuma nuannarilluinnarpaat

Ajuallatsitsinaviangilanga oqaruma, ullormut qaluuserisassami matumani siunnersuuteqartuusut nalunaarusiap innersuussutai annikigisassaangitsumik tiguartiffigisimagaat malunnarmat minnerunngitsumillu NGO-t aamma kissalaamik tigusinerat sunnertiffigisimallugu.

Isumassarseqqaartup kinannguugaluartup, matumani allannguutaanaviangilaq, isumassarsiaq ajunngilluinnarmat. Naalackersuinikkut arlaannaannulluunniit attuumassuteqanngitsunik amigaaateqarpugut, aatsitassarsiornerup iluani uagutsinnut siunnersuisinnaasunik. Suli aatsitassarsiornermik naalagaaffinngornikuunnginnatta, taamaattumik pisariaqartipparput, siunnersuineq ilitsersuinerlu eqqarsaatigalugit nukissavut pitsaasut ataatsimoortumik atorluassallugit.



Oqaaserineqartut tunngavigalugit Demokratit tapersorsorpaat, aatsitassarsiornikkut attaviitsunik siunnersuisoqatigiinnik pilersitsisoqarnissaa pillugu nassuiaasioqqullugit Naalakkersuisut peqquneqarnissaannik Inatsisartut aalajangiiffigisassaattut sanasoqassasoq.

Oqaaserineqartut tunngavigalugit aatsitassanut ataatsimiititaliamut suliarineqaqqinnissaa innersuunneqarpoq.